

**Thaburi 68:1 Ngai aroarahūka ahurunje thū ciake; arīa mamūthūire maromūrīra.**

**Thaburi 5:9,10 Nī ūndū tūnua twao tūtiaragia ūhoro wa ma; ngoro ciao ciendaga o kwananga. Mīmero yao īhaana o ta mbīrīra humbūrie; nīmī ciao ciaragia o ndeto cia ūrambu. 10 Ngai, tūma macookererwo nī ūru wao; reke magūithio nī mībangō īyo yao ya ungumania. Maikanie na nja tondū meehia maaō nī maingī mūno, nī ūndū nīmakūremereire.**

**Thaburi 7:1,2 MWATHANI Ngai wakwa, njūkīte harī we ūmenyerere; honokia kuuma harī arīa oothe mahanyūkanītie na nī, ūkīndeithūre. 2 Waga gwīka ūguo mekūndembūranga o ta mūrūūthi, macooke mangururie hatarī na wa kūndeithūra.**

**Thaburi 11:6 Nīakoirīria andū arīa ooru makara maakanīte magatuunīha, o na ūbiriiti ūgwakana; akaamareehithīria rūhuho rūhiū amaherithie naruo.**

**Thaburi 18:2 MWATHANI nī we mūmenyereri, nī we handū haakwa hagitīre na hinya ha kwīhitha, na no we mūngūūri. Ngai wakwa-rī, nīwe mūmenyereri, na harī we ndingīona ūgwati. Nī we ngo yakwa, na nī we ūngitagīra na akanjikaria na thaayū.**

**Thaburi 18:14,17 Naake agīikia mīguī yake, akīhurunjania thū ciake, na agīciingatithia na henī. 17 Agīkīhonokia kuuma mookoinī ma thū ciakwa irīa ciangīrītie hinya, o na akīhonokia kuuma harī arīa mathūire, nī gūkorwo nīmaangīrītie hinya mūno.**

**Thaburi 18:39 Nī ūndū wee, MWATHANI, nīūheaga hinya wa kūrūa mbaara o na ūkaahotithia gūtooria thū ciakwa.**

**Thaburi 18:45,48 Makuaga ngoro magooka makīinainaga moimīte matūūrainī maaō marīa mairigīre na thingo cia hinya. 48 Nī we ūndutaga mookoinī ma thū ciakwa, akanyambararia igūrū wa arīa manjūkagīrīra; nī we ūmenyagīrīra kuuma harī andū arīa mahūthagīra hinya.**

**Thaburi 23:3 Aheaga ngoro yakwa hinya mwerū, akandongoria na njīra cia ūthingu o ta ūrīa eeranīire.**

**Thaburi 27:11 Nyonagīrīria, njīra yaku, MWATHANI, na ūngeragīrie njīra ūrīa ūtarī na ūgwati, tondū thū ciakwa nī nyingī.**

**Thaburi 31:15 Nī we ūmenyagīrīra hingo ciothe; honokia kuuma harī thū ciakwa, o na kuuma harī arīa maranyariira.**

**Thaburi 34:4,7 Ndahoire MWATHANI, naake akīnjookeria, akīniina guoya wothe ūrīa ndaarī naguo. 7 Mūraika wa MWATHANI aikaraga arangīire arīa mathīkagīra MWATHANI, akamahonokagia kuuma ūgwatiinī.**

**Thaburi 34:13 Kīmenyagīrīre rūrīmī rwaku rūtikanoige ūru, na kanua gaaku gatikanaarie maheeni.**

**Thaburi 34:17-19** Hīndī ūrīa andū arīa athingu makaīra MWATHANI amateithie, nīamaiguaga akamaruta mathīnainī maaō moothe. 18 MWATHANI akoragwo hakuhi na arīa makuīte ngoro, na nīahonokagia arīa mwīhoko wao ūthirīte. 19 Mündū ūrīa müthingu nīatūnganaga na mathīna maingī, no rīrī, MWATHANI nīamūhonokagia kuuma harī mo moothe.

**Thaburi 35:1-8,10** MWATHANI, ng'eng'ana na arīa marang'eng'ana na niī; rūna arīa mararūna na niī! 2 Oya ngo yaku na indo ciaku cia mbaara, ūuke ūndeithie! 3 Arīa mahanyūkanītie na niī moere itimū rīaku o na ithanwa; ūkīnjīre atīrī, "Nīngūkūhonokia!" 4 Arīa meendaga künduta muoyo maroconorwo na maagithio gītīo. Arīa mabangaga ūrīa mekūnjūkīrīra manjīke ūuru marohūndürwo, na matruure. 5 Marotuīka ta mahuti moombūrīitwo nī rūhuuho nī ūrīa maingatithītio nī mūraika wa MWATHANI. 6 Hīndī ūrīa mūraika wa MWATHANI ahanyūkanītie nao-rī, njīra yao ūrogīa nduma, na ūrotendera! 7 Nī ūndū manjigīre mütego na makanyenjera irima nīguo manyiite o na itameekītie ūuru o na atīa. 8 Marokorererwo nī mwanangīko materīgīrīre; maronyiitwo nī mütego ūcio manjigīre maanangīke arī o! 10 Nīngeera MWATHANI na ngoro yakwa yothe atīrī, "Gūtī ūhaana ta we. Wee-rī, nī we ūmenyagīrīra arīa matarī na hinya kuuma harī arīa marī na hinya kūmakīra, na ūkagītīra arīa athīni kuuma harī arīa maramahinyīrīria."

**Thaburi 36:7-9** I ūtugi waku, Ngai, ndūkīrī mūnene! Andū ūmamenyagīrīra rungu rwa mathagu maaku. 8 Nao makarīa makahūuna wega nyūmbainī yaku, ūgacooka ūkamahe gīa kūnyua kuuma rūūinī rwaku rwa ikeno. 9 Wee-rī, nī we gīthima kīa muoyo, na tūmūrkagīrwo nī ūtheri waku.

**Thaburi 37:5** Rekagīrīria MWATHANI maündū maaku moothe, mwīhokage, naake nīarīgūteithagia.

**Thaburi 37:23,24** MWATHANI nī we wonagīrīria mündū njīra ūrīa aagīrīrwo nīkūgera; mündū ūrīa ūthiaga na mīthīre ūrīa ūmūkenagia nīamūmenyagīrīra wega. 24 O na angītindirūka ndangīgūa, tondū MWATHANI nīakoragwo amūnyiitīte guoko.

**Thaburi 37:40** Nīamateithagia na akamaruta ūgwatiinī; amahonokagia kuuma harī andū arīa ooru tondū mooragīra harī we nīguo amamenyerere.

**Thaburi 39:1** Ndoigire atīrī, "Nīndīmenyagīrīra mīthīre yakwa, na ndirītīkagīria rūrīmī rwakwa rūhītīthagie; ndirītaragia o na haniini andū arīa ooru marī ho."

**Thaburi 41:4** Na niī ngūkiuga atīrī, "MWATHANI, nīngwīhīrie; njiguīra tha na ūhonie."

**Thaburi 42:5** Nīkī wee ngoro yakwa, ūrī na ihooru ūguo? ūratangīka ūguo nīkī? Wīhoke Ngai nī gūkorwo nīndīrīmūgooca o rīngī, o we mūhonokia wakwa na Ngai wakwa. (Thaburi 43:5)

**Thaburi 43:1** Tua ciira wakwa, Ngai, na wonanie kīhooto gīakwa harī andū arīa matagwītīkītie; honokia kuuma harī andū a maheeni na matarūmagīrīra kīhooto!

**Thaburi 44:4 Wee nī we mūthamaki wakwa na Ngai wakwa, nī we ūheaga andū aaku ūhootani.**

**Thaburi 51:4 No wee wiki tu, njihīrie hatarī ūngī, na ngeeka ūndū mūru maithoinī maaku. Kwoguo wee ūrī na kīhooto gīa kūnjiirithia, na ndūrī na mahītia ūkīnduīra ciira.**

**Thaburi 52:5 Kwoguo Ngai nīegūkūmomorania tene na tene; egūkūnyiita akūguthe kuuma mūciī waku, akūmunye kuuma būrūri wa arīa me muoyo.**

**Thaburi 54:7 Nī ūndū nīuhonokeetie kuuma mathīinainī moothe, na ūkareka nyone thū ciakwa ihootekeete.**

**Thaburi 55:18 Nīekūnjookia ndī o mūgima kuuma mbaarainī ici ndīrarūa na thū itangītarīka.**

**Thaburi 59:2 Honokia kuuma harī arīa meekaga ūru; ndeithūra kuuma harī ooragani.**

**Thaburi 60:12 Ngai arī hamwe na ithuī nītūkūhootana; nī we ūkūrangīrīria thū ciitū thī.**

**Thaburi 63:11 No mūthamaki nīarīkena nī ūndū Ngai nīarīmūhe ūhootani; arīa mehītaga makīgwetaga rītwa rīa Ngai nīmarīmūgooca, rīrīa tūnua twa arīa maheenanagia tūrikirio.**

**Thaburi 66:3 Īraai Ngai atīrī, “Ī cīko ciaku ti cia magegania! Thū ciaku cīkūnjaga nī guoya nī ūndū wa ūrīa wee ūrī hinya.**

**Thaburi 68:6 Nī we ūheaga arīa matiganīrīo ūikaro na akoohora arīa mooheetwo akamahe wīyathi na gīkeno, no arīa mamūremēire maikaraga būrūriinī mūūmū.**

**Thaburi 68:35 Ī Ngai ndūrī wa kūguoyohithia rīrīa ūrooka uumīte handū haaku harīa hatheru! Ngai wa Israeli nī we ūheaga andū aake ūhoti o na hinya. Ngai arogooocwo!**

**Thaburi 70:1 Honokia Ngai nī ūndū wa kwenda gwaku! Hiūha, MWATHANI, ūndeithie!**

**Thaburi 71:4 Ndeithūra, Ngai wakwa, kuuma mookoinī ma andū arīa aaganu, kuuma hinyainī wa andū ooru matarī tha.**

**Thaburi 71:13 Arīa maranjūkīrīra marohootwo na maniinwo. Andū arīa marendā kūnjīka ūru maroconorwo na manyararwo!**

**Thaburi 72:12 Nīahonokagia arīa mabataire mamūkaīra, o ūndū ūmwe na arīa athīini matarī na wa kūmateithia.**

**Thaburi 76:12 anyiihagia atongoria arīa etīi na agatūma athamaki a thī metigīre.**

**Thaburi 79:9 Tūteithie, Ngai, na ūtūhonokie; tūhatūre na ūtuohere meeitia maitū nī ūndū wa gītīo kīa rītwa rīaku kīumbē.**

**Thaburi 86:17 Nyonia kīmenyithia kīa wega waku, MWATHANI, nīguo arīa mathūire moone maconoke nī ūrīa wee ūndeithītie na ūkaanyamarūra.**

**Thaburi 91:14,15 Ngai aroiga atīrī, “Nīndīrīhonokagia arīa manyendeete na menyagīrīre arīa mooī rītwa rīakwa. 15 Manjīta nīndīrīmeetīkaga;**

**nīndīrīkoragwo hamwe nao magīthīnīka, ndīmahonokagie na  
ndīmatīithagie.**

**Thaburi 92:11 Nīndīyoneire na maitho maakwa thū ciakwa ikīhootwo, na  
ngeiguīra na matū maakwa kīrīro kīrīa gīkorereire andū aaganu arīa  
maranjūkīrīire.**

**Thaburi 103:10 Ndatūherithagia ta ūrīa twagīrīirwo nīkūherithio, kana  
akerīhīria ta ūrīa meeħia na mahītia maitū maigana.**

**Thaburi 104:9 Wee nī we wekīrīire maaī macio mīhaka īrīa matangīkīra nīguo  
matikaanacooke kūhumbīra thī rī kana rī.**

**Thaburi 107:6 Magīkaīra MWATHANI marī mīnyamaaroinī yao, naake  
akīmahonokia kuuma mathīnainī maaō.**

**Thaburi 118:10,12 Ndaari mūthiūrūkīrie nī thū nyīngī, no MWATHANI  
akīndeithia gūciananga. 12 Ciānyūmbīrīre mīena yothe o ta njūkī, no  
MWATHANI akīndeithia gūciananga, ikīhora na ihenya o ta mwaki wa  
mīgua.**

**Thaburi 121:7,8 MWATHANI nīarīkūgitagīra kuuma moogwatiinī moothe;  
nīarīmenyagīrīra muoyo waku. 8 MWATHANI nīarīkūmenyagīrīra, ūgīthī o  
na ūgīcooka, kuuma rīu nginya tene na tene.**

**Thaburi 138:3 Rīrīa ndagwītire, nīwanjītīkire, na ūkīnyongererera hinya.**

**Thaburi 140:1,4,5 MWATHANI, honokia kuuma harī andū ooru; ngitīra kuuma  
harī andū arīa mahūthagīra hinya, 4 MWATHANI, menyerera ndikanyiitwo nī  
andū arīa aaganu; ngitīra kuuma harī andū arīa mahūthagīra hinya, o arīa  
marabanga ūrīa mekūniina. 5 Andū arīa etīi nīmanjigīire mütego;  
nīmaambīite ngara ciao cia kūndega na makaamba nyambo njīrainī nīguo  
manyīite.**

**Thaburi 142:6 Thikīrīria mūkayo wakwa, tondū nīndeete mwīhoko wothe.  
Honokia kuuma harī thū ciakwa, tondū irī na hinya mūno kūngīra.**

**Thaburi 143:9 MWATHANI, njūkīte harī we ūmenyerere; honokia kuuma harī  
thū ciakwa.**

**Thaburi 147:14 Nīaigīite mīhaka yaku kwī na thaayū, na agakūhūūnia na  
ngano īrīa njega mūno.**

**Thaburi 149:6-9 Nīmagooce Ngai maanīrīire manyītīte hiū ciao cia njora  
noore wega, 7 merīhīrie harī ndūūrīrī, na maherithie andū. 8 Moohe  
athamaki aacio na mabīngū, atongoria aacio mamoohe na nyororo; 9  
maherithie ndūūrīrī ta ūrīa Ngai aathanīite. Ūcio-rī, nīguo ūhootani wa andū  
arīa ehokeku. Goocaa MWATHANI!**